

Na osnovu člana 14. stav 1. Uredbe o reviziji prethodno izvršene vlasničke transformacije ("Službene novine Federacije BiH", broj 1/98), federalni ministar finansija-federalni ministar financija donosi

UPUTSTVO

**O IZMJENAMA I DOPUNAMA UPUTSTVA O NAČINU PRIJAVLJIVANJA,
POTREBNIM PODACIMA I DOKUMENTACIJI I O POSTUPKU REVIZIJE
PRETHODNO IZVRŠENE VLASNIČKE TRANSFORMACIJE**

1. U Uputstvu o načinu prijavljivanja, potrebnim podacima i dokumentaciji i o postupku revizije prethodno izvršene vlasničke transformacije ("Službene novine Federacije BiH", broj 9/98), tačka 18. mijenja se i glasi:

"18. Knjigovodstvena vrijednost i vlasnička struktura kapitala preduzeća i tačke 17. utvrđuje se u postupku pred agencijom, na način propisan ovim uputstvom."

2. U tački 21., iza stava 2., dodaje se novi stav 3. koji glasi:

"Za preduzeća iz tačke 17. ovog uputstva, zapisnik treba da sadrži maksimum elemenata i podataka iz raspoložive i dostupne dokumentacije; konstatacije o obimu i razlozima nemogućnosti obezbjeđenja ostalih podataka i dokumentacije, kao i stručnu ocjenu ovlaštenog lica o stepenu pouzdanosti raspoloživih podataka i dokumentacije."

3. U tački 22., iza stava 2., dodaju se novi st. 3. do 7. koji glase:

"Izuzetno od odredbi st. 1. i 2. ove tačke, a na osnovu zapisnika iz tačke 21. stav 3. ovog uputstva, Revizor sačinjava i u roku od pet dana od dana okončanja revizije agenciji i preduzeću dostavlja prijedlog rješenja.

Pored prijedloga knjigovodstvene vrijednosti i vlasničke strukture kapitala preduzeća i ostalih propisanih elemenata rješenja, prijedlog rješenja iz stava 3. ove tačke sadrži i: konstataciju da je prijedlog rješenja sačinjen na osnovu nepotpunih podataka i dokumentacije; obim nedostajućih podataka i dokumentacije, sa obrazloženjem razloga nemogućnosti njihovog obezbjeđenja; stručnu ocjenu Revizora o stepenu pouzdanosti raspoloživih podataka i dokumentacije, sa obrazloženjem.

U roku od pet dana od dana prijema prijedloga rješenja, preduzeće dostavlja agenciji svoje izjašnjenje o prijedlogu rješenja.

Nakon razmatranja prijedloga rješenja i izjašnjenja preduzeća, agencija će svojim zaključkom: odobriti prijedlog rješenja; utvrditi druge knjigovodstvene vrijednosti i vlasničku strukturu kapitala preduzeća, ili Revizoru i/ili preduzeću naložiti preduzimanje drugih radnji potrebnih za utvrđivanje knjigovodstvene vrijednosti i vlasničke strukture kapitala preduzeća, sve do donošenja zaključka u smislu alineja 1. i 2. ovog stava.

U roku od pet dana od dana prijema zaključka agencije u smislu alineja 1. i 2. prethodnog stava, a u skladu sa tim zaključkom, Revizor donosi rješenje o rezultatima revizije i dostavlja ga agenciji i preduzeću."

4. Ovo uputstvo stupa na snagu osmog dana od dana objavljivanja u “Službenim novinama Federacije BiH”.